

Բ Ա Ն Ա Վ Ե Ճ Д И С К У С С И И

ՄԻՔԱՅԵԼ ԼԱԼԻՔԱՆԴՅԱՆԻ ՀՆԴԿԱՍՏԱՆՑԱՆ ԱՌԱՔԵԼՈՒԹՅԱՆ ՇՈՒՐՋ՝

ՄԵԼԻՔՍԵՔ ՄԵԼՔՈՆՅԱՆ

Հայտնի է, որ հնդկահայ գաղթօջախում սկզբնավորվեցին հայկական մամուլն ու քաղաքական հրապարակախոսությունը: Հովսեփ Էմինը, Մովսես Բաղրամյանը, Շահամիր Շահամիրյանը, Հարություն Շամվոնյանը, ապա որոշ ժամանակ անց Մեսրոպ Թաղիադյանը դարձան հայ ազգային-ազատագրական մտքի ու լուսավորական շարժման առաջնորդները: Նրանք բոլորն էլ խորությամբ գիտակցում էին բնաշխարհի վիճակը և հեռավոր Հնդկաստանից որոնում էին ազատագրության ուղիներ, մշակում գործնական ու տեսական ծրագրեր և Հայաստանի ապագան տեսնում նաև Ռուսաստանի հետ ունեցած բարեկամության մեջ: Դրա պերճախոս հաստատումներից է, օրինակ, նրանց ջերմ և խելացի վերաբերմունքը Նոր Նախիջևանի նկատմամբ: Հնդկաստանում Հովսեփ Էմինի ակտիվ գործունեության ժամանակաշրջանում «Նախիջևանի հիմնադիր Հովսեփ արքեպիսկոպոս Արղությանը գաղթականների աղքատությունից առաջ (եկտե) թշվառությունների առաջն առնելու համար, դիմեց զանազան միջոցների: Նա, ի դեպ, նամակներ դրեց Հնդկաստանի հարուստ հայերին, խնդրելով նյութական աջակցություն: Եվ հնդկահայ մի խումբ մեծահարուստներ վիթխարի գումարներ և անշարժ գույք են կտակում Նոր Նախիջևանին ու Գրիգորիուպոլիսին՝ ցանկանալով նպաստել Ռուսաստանում նորաստեղծ այդ գաղթօջախի գոյատևմանն ու բարգավաճմանը:

Տարիներ հետո՝ 1846 թ. Մ. Թաղիադյանն իր «Ազգասերում» առաջ քաշեց հնդկահայերի կտակը նորնախիջևանցիներին հասցնելու հարցը: Այդ նախաձեռնությունը գործնականորեն ու հետևողականորեն շարունակեց Միքայել Նալբանդյանը՝ սկզբում իր «Հիշատակարանում», ապա՝ «Հյուսիսափայլում», դեպի «սիրական եղբարք» և «անբաղդացած գերդաստանի արյունակից անդամք» ուղղված կրթող, սրտացավ դիմումով:

«Հիշատակարանում» Միքայել Նալբանդյանը մանրամասնորեն խոսում է Նոր Նախիջևանի հիմնադրման մասին և Հովսեփ Արղությանին գնահատում որպես «նիշառակի արժանի», որը փաստորեն կամուրջ էր կապում հայկական գաղթօջախների միջև: Միքայել Նալբանդյանը նոր թափով նախաձեռնելով հնդկահայերի կտակների ձեռքբերման գործը, դրանով իսկ կարծես շարունակում էր նաև Հ. Էմին—Հ. Արղության—Մ. Թաղիադյան դիմը՝ ազգային-ազատագրական պլանով:

«Ազգային ժառանգությունը» հոգևածում, որը պետք է դիտել Միքայել Նալբանդյանի հայրենասիրական քաղաքական ծրագրի դրսևորումներից մեկը, կարդում ենք. «Հայերի կյանքը, նոցա դուրքունը աշխարհի երեսին, արդեն մի մեծ շարժառիթ է այսպիսի անձնագոհ օգնութենների, եթե միայն ազգի անդամքը կարողությամբ ստանային՝ հասկանալու յուրյանց անձը և յուրյանց ազգը»²: Հեռագնա, հեռահար ու այսօր էլ ուշագրավ այս միտքը շափազանց կարևոր է հասկանալու համար Միքայել Նալբանդյանի քաղաքական ծրագրերի ընդգրկումները՝ կապված հնդկահայերի կտակներին:

¹ «Լուսա», 1904, № 2, էջ 142:

² Միքայել Նալբանդյան. Երկերի լիակատար ժողովածու. հ. 2, Երևան, 1980, էջ 345:

նա ժառանգում է «ազգակոթման անմիաբանության» դեմ, առաջարկում վառվել գործունեությանը ու իսկույնէն ձեռնամուխ լինել՝ շուրջ յոթանասունամյա փոշու տակից հանելու կտակներն ու գումարը հասցնելու տեղ, «որով կարելի էր կանգնեցնել ազգի համար մի հոյակապ ավազան լուսավորության»:

«Ազգային ժառանգությունը» հողվածի հետ միասին «Հյուսիսսփայլում» զետեղում է նաև հնդկահայերի կտակների օշինակները: Մանրամասնորեն բացատրելով կտակների ձեռքբերման դժվարին ուղիները և միջոցները, նա առաջարկում է ընտրել «բանազետ և հաճախ մարդ», որը կկարողանար հաղթահարել բոլոր դժվարությունները ու լուծել կտակի կնճըռոտ հարցը:

Նա չափազանց նրբանկատորեն է քննում հնդկաստանյան ճանապարհորդության երթուղին: «Հիշատակարանում» նա կտակի կարևորության մասին գրել էր դեռևս 1858 թ., իսկ պաշտոնական հողի վրա դա դնում է 1859-ին՝ «Հյուսիսսփայլի» հինգերորդ (մայիսի) ամսատետրակում տպագրված հողվածով և գործնական ընթացք է տալիս 1860 թ. գարնան-ամռան ամիսներին: Նամակագրությունը Նոր Նախիջևանի քաղաքագլուխ Կարապետ Հայրապետյանի հետ պարզորեն հաստատում է, որ Միքայել Նալբանդյանին ինքն էր ցանկանում լինել նորնախիջևանցիների հնդկաստանյան պատվիրակը ու ըստ ամենայնի նախապատրաստվում էր դրան: Այդ ընթացքում նա հարաբերությունների մեջ է մտնում նաև Պետերբուրգում գտնվող անգլիական գրասենյակների հետ, կետ առ կետ քննարկում ճանապարհորդության ամեն մի մանրամասն: «Մեզ քաջ հայտնի է, որ վերոգրյալ ճանապարհորդության երկայնությունը մինչև Կալկաթա հասանում է 18 000 վերստից մինչև 20 000 վերստ, ուրեմն գնալը և գալը 36 000 վերստից մինչև 40 000 վերստ: Այս կատակ չէ. հավելացուր սորա վերա և այն դժոխային եղանակները կամ ծովային մրրիկները և վտանգները, որոնք շատ նավեր և շոգեշարժ պտուտակավոր նավեր կուլ են տվել և տալիս են անդադար, որպիսի վտանգներ պիտի աչքի տակ առնու ճանապարհորդը: Ուր թողունք զանազան պատահարները այդպիսի հեռավոր և վայրենի աշխարհներում Ասիայի մեջ և այն անակնկալ դեպքերը և ծախքերը, որ մինչև պատահելը չեն երևում մարդու աչքի և եթե կանխատես չէիր, ապա նոքա կծառային քեզ հուսահատության և անտանելի նեղության առատ աղբյուրի տեղ»:

Միքայել Նալբանդյանը այնուհետև «Հնդկաստանի հայոց լուսավոր հասարակության և թե անգլիական մեծամեծների» (ընդգծումը մերն է—Մ. Մ.) հետ պատվիրակների շփումները, հանդիպումները՝ որպես Նոր Նախիջևանի շահերի արտահայտիչների, քաղաքի պատվի կրողների, բացատրում դրանց նշանակությունը:

Նոր Նախիջևանում ծավալվում է սուր պայքար՝ ո՞վ պիտի գնա Հնդկաստան: Մասնակցում են հասարակության բոլոր խավերը, յուրաքանչյուրը հետապնդելով իր որոշակի նպատակները: Գտնվում են մարդիկ, ովքեր ամեն կերպ ձգտում են խափանել Միքայել Նալբանդյանի թեկնածությունը, պաշտպանելով Գ. Այվազյան-Այվազովսկու թեկնածությունը:

Այդ պայքարում նորից ու նորից ի հայտ են գալիս Միքայել Նալբանդյանի բարձր ու բազմակողմանի ընդունակությունները: «Խոսքի հերոս լինելուց բացի գործի հերոս էր նա, փառափառ մարտնչող և ժողովրդական տրիրուն. ռապես այդպիսին՝ աննախնայ ստրատեգ և հկում տակտիկ»,— գրել է ակադ. Աշոտ Հովհաննիսյանը Միքայել Նալբանդյանի մասին: Ըվ հակառակորդների դեմ մղվող պայքարում հեղափոխական դեմոկրատն օգտագործում է իր ամբողջ զինանոցը և հաղթանակում: Նոր Նախիջևանի քաղաքագլուխ Կ. Հայրապետյանը, առաջադեմ համաքաղաքացիները կանգնում են նրա թիկունքին:

Բացի կազմակերպական-գաղափարական աշխատանքից, նորնախիջե-վանցիներին իր կողմը գրավելու նպատակային գործերից, հակառակորդնե-րին քննադատելու և չեզոքացնելու քայլերից, նա, Կ. Հայրապետյանի հետ միասին, կատարում է մի դիպուկ և իմաստուն քայլ՝ առաջ է քաշում Հընդ-կաստան երկու պատվիրակ ուղարկելու խնդիրը: Ըստ նրա և Կ. Հայրա-պետյանի ներքին պայմանավորվածության, պատվիրակներից մեկը կլինեի ինքը՝ որպես նոր նախիջեանի հասարակական շահերի արտահայտիչ, իսկ մյուսը՝ առաջին գիլդիայի վաճառական Հարություն Աջեմյանը՝ որպես գոր-ծարար սոցիալիստ մարդ, որը մի քանի անգամ եղել էր արտասահմանում և որը ֆինանսական հարցերում լավ կկողմնորոշվեր: Տակտիկական այս քայլը օգնում է պայքարին: Միք. Նալբանդյանը գրում է, որ երկրորդ պատվիրակը՝ Հարություն Աջեմյանը, որի հետ Կ. Հայրապետյանի «նամակի հիման վերա խոսեցա, հոժաւ եմք երթալ Հնդկաստան»:

Նախապատրաստական բազմակողմանի աշխատանքից հետո նա 1860 թ. հուլիսի 6-ին գալիս է նոր նախիջեան: Դրանից ուղիղ յոթը տարի առաջ էր, 1853 թ. հուլիսին, երբ խուլյա տալով հետապնդումներից, Միքայիլ Նալ-բանդյանը փախավ Մոսկվա: 1860 թ. օգոստոսի 8-ին նոր նախիջեանի քա-ղաքային մագիստրատը հաստատում է Միքայիլ Նալբանդյանի և Հարու-թյուն Աջեմյանի լիազորագիրը՝ վեց օր հետո պաշտոնական գրություն ուղարկելով Ամենայն հայոց կաթողիկոս Մատթեոսին: Այդ գրությունում ասված էր, թե «ազդն մեր միաբան հաւանութեամբ և թախանձագին խընդ-րանօք ընտրեաց յիւր ի լրացեալ երեսփոխանութիւն, զյարգոյ հայրենա-կիցս մեր զկայսերական Սանկտ Պետերբուրգեան համալսարանի զկանդի-տատն արեւելան լեզուագիտութեան զպարոն Միքայէլն Նալբանդեանց և դառաջին կարգի վաճառական Սեաստափօլեայ զպարոն Հարութիւն Աջե-մեան»: Բայց միայն Միքայիլ Նալբանդյանն է մեկնում էջմիածին: Ծանա-պարհին լինում է Թիֆլիսում՝ օգոստոսի 24-ից մինչև սեպտեմբերի 3-ը, հանդիպումներ ունենում Դ. Աղայանի, Մ. Միանսարյանի, Պ. Սիմոնյանի և առաջադեմ այլ մտավորականների հետ, թերևս նրանց միջոցով նույնպե՛ս հող նախապատրաստում հնդկաստանյան իր առաքելության համար: Այս ամենի մասին հանգամանորեն գրել է ակադ. Աշ. Հովհաննիսյանն իր «Նալ-բանդյանը և նրա ժամանակը» երկհատոր աշխատության առաջին հատո-րում, ինչպես նաև գրականագետ Ա. Ինճիկյանն իր աշխատություններում: Եարունակելով ճանապարհը, վերջապես հասնում է էջմիածին: Այդ ըն-թացքում ղրպարտությունը Միքայիլ Նալբանդյանի հասցեին ստանում է նո-րանոր դրսևորումներ: Հետադիմական ուժերն ամեն կերպ ձգտում են խա-փանել նրա հնդկաստանյան ուղևորությունը, գործի են դնում բոլոր հնա-րավոր միջոցները, առաջ քաշում նրա նկատմամբ քաղաքական անվստա-հության հարցը և այլն և այլն: Բայց Միքայիլ Նալբանդյանը շարունակում է չեզոքացնել վտանգը:

Հակառակորդները չեն դադարում հետապնդել նրան, ամեն ջանք գոր-ծադրում են՝ կես ճանապարհին թողնելու նրա հնդկաստանյան առաքելու-թյունը: Միքայիլ Նալբանդյանը գաղտնի է պահում իր մեկնելու օրը՝ նոր նախիջեանի քաղաքագլուխ Կ. Հայրապետյանից տեղեկանալով անդադար հետապնդումների մասին: «Թուի թէ Նալպանտն երկնչի ի սիպիրէ», — գրել է Գ. Այվազովսկին (ԳԱԹ, նոր նախիջեանի Մագիստրատի ֆոնդ): Սոսկալի այս պայմաններում իր նպատակներին հասնելու համար, ինչպես ար-դեն ասվեց, Միքայիլ Նալբանդյանին օգնող հանգամանքներից մեկն էլ Հա-րություն Աջեմյանի մասնակցությունն էր: Սակայն Միքայիլ Նալբանդյանը մեկնակ է մեկնում Հնդկաստան, առանց սպասելու Հ. Աջեմյանի ժամանե-լուն Փոթի:

Այս հանգամանքը Նալբանդյանագիտության մեջ տեղիք է տվել ծայ-րահեղ դատողությունների և եզրակացությունների, որոնք ոչ թե «ինչու»-ն որոնելու հետ են կապված, ինչպես մեզ թվում է, այլ միտված զուտ սո-

ցիոլոգիական դիրքերից հեշտությամբ լուծելու այդ «անհայտ» հավասարումը, մեկին բարձրացնելով մյուսի հաշվին, որի հարկը բնավ չկա:

Հայ գրականագիտության ու պատմագրության մեջ մինչև այսօր այն կարծիքը կա, թե Հ. Արեմյանը այդ ընդհանուր շղթայի սոսկ պատահական օղակ է եղել: Մեծավաստակ նախնայանագետ, ակադ. Աշ. Հովհաննիսյանը գտել է. «Մյուս ընտրյալը՝ հեշտ կյանքի սովոր լիբերալ բուրժուա Արեմյանը, չմիացավ ընկերակցին: Ասենք, բուրժուա ուղեկիցը միայն ոտքի կապիչ պիտի չիներ նախնայանի համար, և այս մի բարեբախտություն էր, որ հրապարակախոսը կարողացավ մենակ ստանձնել հայ կյանքի և գրականության համար արգասավոր հանձնարարությունը...»⁴:

Իսկ Միքայել Նախնայանի կյանքի և ստեղծագործության հմուտ ուսումնասիրող գրականագետ Ա. Մ. Ինճիկյանն այսպես է բնութագրել Հարություն Արեմյանին. «Հարություն Արեմյանը, որ նոր Նախիջևանի հասարակական ժողովի կողմից 1860 թ. հուլիսի 15-ին Նախնայանի հետ միասին բնակվել էր որպես երեսփոխան, մի կիսագրագետ և ջանամուլ վաճառական էր, ինչպես համագիշ կերպով ցույց են տալիս նրա ինքնագիր նամակները⁵: Պարզ է, որ Նախնայանին չէր կարող հանել լինել նման մեկի ընկերակցությունը, որը ոչ միայն իրեն չէր կարող օգնել, այլև ըստ ամենայնի պիտի լիանգարեր: Հավանաբար այս հանգամանքը նկատի ունենալով, Հայրապետյանը համաձայնել է, որ Նախնայանը մենակ հաճախահորդի, առանց սպասելու վաճառականական գործերով նոր Նախիջևանից բացակայող Հարություն Արեմյանին»⁶:

Մինչև ընդհանուր վերլուծությանն անցնելը, բերենք Մատթեոս Չուխաչյանին 1860 թ. օգոստոսի 14-ին Նոր Նախիջևանից Միքայել Նախնայանի գրած նամակից այն քաղվածքը, որտեղից պարզ է դառնում, որ Հարություն Արեմյանն եղել է Նոր Նախիջևանում. «Երեսփոխանակից նորին. պ. Արեմյանցն յաւուրս յայտոսիկ հասանք նոյնպէս 'ի Նախիջևան և անդէն վաղվադակի ուղւոյ լինի յէջմիածին, 'ի համբոյր սրբազնեալ աշոյ մեծի քահանայապետիդ 'ի վերտողեալ միտս»⁷:

Ասա ևս տակտիկական քայլ էր՝ իրր երկու պատվիրակներս ենք դալիս Ամենայն հայոց կաթողիկոսին այցելության, բայց Միքայել Նախնայանը գնում է միայնակ: Այո, ամեն բան նախապատրաստված էր, ամեն մի մանրամասն որոշված էր՝ ում հետ ինչպես խոսել, ում ինչպիսի փաստաթուղթ ուղարկել: Ահա այդ նպատակով էլ նամակում իր և Հ. Արեմյանի անունից է Միքայել Նախնայանը խնդրում. «Վեհափառ տէր, յանուն տառապեալ աղգի մերոյ աղաչեմ զՁեզ յարգեալ զընտրութիւն աղգի մերոյ և հաստատել զարգոյ երեսփոխանս մեր հայրապետական կոնդակօք յանուն երեսփոխանացն և յանուն աղգի մերոյ 'ի Կալկաթա...»:

Ապա մեկ այլ տեղ. «Նախնայանը, չսպասելով երկրորդ պատվիրակ Հարություն Արեմյանին, որի ուղեկցությունը կարող էր խանգարել արտասահմանի ճանապարհորդության հետ կապված իր քաղաքական ծրագրերին, Թիֆլիսից շտապ մեկնում է Փոթի»⁸:

Միքայել Նախնայանի մենակ մեկնելու փաստը հետաքրքրել է նաև ցարական քննչական մարմիններին և նրանք հարցապնդել են Նոր Նախիջևանի քաղաքագլուխ Կ. Հայրապետյանին, որը պատասխանել է. Налбандов отправился один за получением капитала потому, что Аджемов

⁴ Աշ. Հովհաննիսյան. Նախնայանը և նրա ժամանակը. հ. 1, Երևան, 1955, էջ 332:

⁵ ԳՆԹ, Մ. Նախնայանի ֆոնդ, № 123/187:

⁶ Մ. Նախնայան. ՆԼԺ, հ. 5, էջ 417:

⁷ Նույն տեղում, էջ 326—327:

⁸ Ա. Մ. Ինճիկյան. Միքայել Նախնայանի կյանքի և գործունեության տարեգրությունը, Երևան, 1980, էջ 153:

медлил прибытием из С. Петербурга в Нахичеван. В письмах своих он, Аджемов, сначала писал о готовности к выезду, но заставлял тожмо ожидать себя напрасно, как между тем время уходило; потому я в необходимости нашелся сделать распоряжение об отправлении одного Налбандова»⁹.

Նկատի առնենք մի հանգամանք՝ Միքայել Նալբանդյանը 1860 թ. օգոստոսի 17-ին է նոր Նախիջևանից մեկնել էջմիածին և միայն նոյեմբերի 14-ին հասել Բաթում և այդ օրն էլ մեկնել Տրապիզոն։ Սա նշանակում է, որ երեք ամսից 3 օր պակաս ժամանակ նա գտնվել է ուղևորության նախապատրաստության մեջ ու անընդհատ նամակագրական կապ պահպանել նոր Նախիջևանի հետ։ Նա նամակներ է գրել քաղաքագլուխ Կ. Հայրապետյանին, կաթողիկոս Մատթեոս Զուխաշյանին, եղել է Կովկասի փոխարքայի դիվանատեղում և ստացել արտասահմանյան անձնագիր և այլն և այլն։ Իսկ 1860 թ. հոկտեմբերի 10-ին արդեն կաթողիկոս Մ. Զուխաշյանը հաստատում է նոր Նախիջևանի հասարակության 1860 թ. հուլիսի 15-ի որոշումը՝ Միքայել Նալբանդյանին և Հարություն Աջեմյանին լիազոր ներկայացուցիչներ ընտրելու մասին։ Դրանից հետո Միքայել Նալբանդյանը նամակով դիմում է Կովկասի փոխարքային, որպեսզի վերջինս իրեն և Հ. Աջեմյանին աջակցի։ Փոխարքան պաշտոնական գրությամբ ընթացք է տալիս Միքայել Նալբանդյանի խնդրանքին։ Ուրեմն, մինչև նոյեմբերի 1-ը, այսինքն մինչև ամենակարևոր գրության հաջողեցումը՝ Միքայել Նալբանդյանը հանդես է եկել իր և Հ. Աջեմյանի անունից և հենց նույն օրն էլ, երեկոյան, շապասելով Հ. Աջեմյանին, Թիֆլիսից մեկնել է Փոթի։

Այս ընթացքում նորից ու նորից նրան հետապնդում են։ Բայց վերապես նոյեմբերի 1-ից մինչև 13-ը գտնվելով Փոթիում, նա գնում է Բաթում և ապա ճանապարհվում Տրապիզոն։

Ո՞ր էր Հարություն Աջեմյանը։ Մի գործարար հայ վաճառական, որը յայն կապեր ուներ Ռուսաստանի, Եվրոպայի, Ասիայի, նաև Հնդկաստանի ու Կովկասի հայաբնակ կենտրոնների հետ։ Նա ապրում էր Պետերբուրգում, ճանաչված էր ոչ միայն տեղի հայության, այլև քաղաքի հասարակայնության կողմից։ Հ. Աջեմյանը «Հյուսիսափայլի» լույս ընծայման հենց առաջին ամսատետրակներից եղել է նրա բաժանորդը և նյութական ու բարոյական օգնություն մատուցել Ստ. Նազարյանցին և Միք. Նալբանդյանին։ Նրա անուն—ազգանունը հատուկ նշված է ամսագրի վերջին էջում։ Ընդ որում, «Հյուսիսափայլը» Պետերբուրգում ունեցել է ընդամենը 10 բաժանորդ և բոլորն էլ շատ նշանավոր հայեր, որոնցից 6-րդը ցուցակում Հարություն Աջեմյանն էր։ Հար. Աջեմյանը քաջածանոթ էր հնդկահայերի կտակների պատմությանը և դեռևս 1852 թ., Կ. Պոլսում եղած ժամանակ, այսինքն Միքայել Նալբանդյանից դեռևս 7 տարի առաջ, մտահոգվել էր կտակը նոր Նախիջևան հասցնելու գործով, այդ մասին խորհրդակցելով Կ. Պոլսի պատրիարք Մատթեոս Զուխաշյանի հետ (որը հետագայում դարձավ Ամենայն հայոց կաթողիկոս) և ստանալով նրա գոտեպնդիչ պատասխանը։ Այդ ժամանակվանից 8 տարի անց, 1860 թ. հունիսի 29-ին Պետերբուրգից նոր Նախիջևանի քաղաքագլուխ Կ. Հայրապետյանին գրած նամակում Հարություն Աջեմյանն ասում է. «Ծն և պարոն Միխայիլ Նալբանդյանցն աղաչում ենք այս գործն առնինք մեր վրա և կատարիմք ձեր և հասարակի կամքըն և հանգուցյալ Մասեհ Բաբաջանի կամքըն 66 տարի անցնելուց հետո»¹⁰։ Այդ նույն նամակում նա տեղեկացնում է իր լայն կապերի մասին, ասում, որ ինքը վստույնվանից է ճանաչում Ամենայն հայոց կաթողիկոսին, որը Միքայել Նալբանդյանին նույնպես լավ գիտի։ Այնուհետև հայտնում է, որ Հնդկաստանից «մեռ մառդը» նոր լուրեր է հաղորդել կտակների

⁹ Միքայել Նալբանդյան. Վավերագրերի ժողովածու. Երևան, 1956, էջ 159։

¹⁰ ԳԱԲ, Մ. Նալբանդյանի ֆոնդ, 129/187—2։

վերաբերելու և այլն: Այս ամենից պարզորոշ երևում է, որ Հարություն Աջեմ-
յանը երբեք պատահականություն չի եղել հնդկաստանյան առաքելության
նախապատրաստության մեջ, ընդհակառակն, նա մի անձնավորություն էր,
որը կապ էր պահպանում Կալկաթայի ու Մադրասի հայերի հետ, շահա-
գրողոված էր այդ մեծ գումարները նորնախիջևանցիներին հասցնելու ուղ-
ղությամբ և նոր նախիջևանի քաղաքագլխին գրած իր նամակներում ան-
ընդհատ գործնական խորհուրդներ էր տալիս, շեշտում փաստաթղթերի պատ-
րաստման մանրամասնությունները և միաժամանակ նշում. «Ես տեղս (այ-
սինքն՝ Ս. Պետերբուրգում—Մ. Մ.) հետևում եմ էլի այս գործերուն» (3
օգոստոսի 1860 թ.):

2. Աջեմյանը նամակներում հատկապես գրում է. «Պարոն Միխայիլ
Լազարևիչ Նալբանդյանին հատուկ բառե կմատուցանեմ և շունիմ ոչինչ հա-
րավար բան գրելու»: Սրանից երևում է, որ ինքն ու Միքայիլ Նալբանդյանը
արդեն ամեն ինչ գիտեին, դրել-վերցրել էին և որ դեռևս Պետերբուրգից
նոր նախիջևան մեկնելուց առաջ Միքայիլ Նալբանդյանը կշռադատել էր
իր ամեն մի քայլը, այդ մասին տեղեկացնելով 4. Հայրապետյանին:

4. Հայրապետյանին 1860 թ. հուլիսի 13-ին նրա գրած նամակում կար-
ում ենք. «Աստված մեզ առողջություն և երկար կյանք տա, որ աշխատում
ենք օգնել մեր նախիջևանի ժողովրդին: Ազգին օգնություն անելը հազարա-
պատիկ վեր և ազնիվ գործ է, քան իր զավակներին»: Այսպիսի նկարագրի
տեղ մարդը չէր կարող ապրել սոսկ «հեշտ կյանքի» համար, և մենք իրա-
վունք չունենք գրչի մի շարժումով վարկաբեկելով՝ նրան դուրս հանել Մի-
քայիլ Նալբանդյանի առաքելությունից, անկախ նրանից, թե նա վաճառա-
կան է եղել իր զբաղմունքով և իր նամակները գրել է տառասխալներով:
Մակայն սրանից չենք էլ բխեցնում, թե 2. Աջեմյանը բաժանում էր Մի-
քայիլ Նալբանդյանի ընդհանուր հայացքները, տեղյակ էր կամ համակիր
էր նրա քաղաքական ծրագրերին: Առայժմ հայտնի է դառնում, որ պարզա-
պես նա ցանկանում էր հայրենապետական, ազգօգուտ գործ կատարել¹¹:
Քայց որ նա և Միքայիլ Նալբանդյանը մտերիմներ են եղել, ի հայտ է գալիս
նաև նամակի այս տողերից. «Պարոն Նալբանդյանն ինչպես ասլովի շինե
հասարակի հետ ձեր կամքովն ես հոժար եմ և ստորագրեմ այս ասլովին...»:
Հարություն Աջեմյանը դեռևս «Հյուսիսամիսյի» № 1-ից լինելով նրա բաժա-
նորդը, առանց կասկածանքի քաջածանոթ էր և Ստ. Նազարյանցին, և Միք.
Նալբանդյանին, մի կապ, որը գնալով ավելի էր խորացել շնորհիվ նոր
Նախիջևանի քաղաքագլխի 4. Հայրապետյանի: Եվ երբ Միքայիլ Նալբան-
դյանը մեկնել էր Պետերբուրգ հանձնելու կանդիտատական քննություննե-
րը, թերևս այս շրջանում էլ նրանց միջև կայացել էր հնդկաստանյան կտակ-
ների հետ կապված խոսակցություն-համագործակցությունը: Միք. Նալբան-
դյանը 1859 թ. հոկտեմբերի վերջից գտնվում էր Պետերբուրգում և մնաց
այնտեղ մինչև 1860 թ. հունիսի 15-ը. հավանաբար այդ ընթացքում էլ կար-
գավորել է հնդկաստանյան առաքելության նախապատրաստությունը, հան-
դիպումներ ունեցել 2. Աջեմյանի հետ: Եվ Միքայիլ Նալբանդյանի նոր Նա-
խիջևան հասնելուց մեկ-երկու օր առաջ արդեն 4. Հայրապետյանն ստացել
էր 2. Աջեմյանի նամակը, որտեղ նա քաղաքագլխին տեղեկացնում էր, որ
Միքայիլ Նալբանդյանը Մոսկվայից մեկնել է նոր նախիջևան 1860 թ. հու-
նիսի 24-ին:

1860 թ. օգոստոսի 3-ին իր բարեկամ Նիկողոսին գրած նամակում 2.
Աջեմյանն ասել է. «Ինչպես որ ես ձեզ գրել եմ անցյալ հունիսի 29-ից և
հիմա էլ գրում եմ այս գործն ես հոգով հոժար եմ կատարել պ. Նալբան-
դյանի հետ միասին»: Եվ հենց այդտեղ «հոգով հոժար» բառերի վերևում
կարմիր թանաքով հատ-հատ գրել է՝ «Ինչո՞ւ»: Ընդ որում, ամբողջ նամա-
կը գրված է կապույտ թանաքով, մաքուր, առանց որևէ փոփոխության կամ

¹¹ Նույն տեղում, № 130:

ուղղման, չկա կարմիր թանաքի ոչ մի հետք, բացի այդ «բլիսօ» բառից, այսինքն հոգով հոժաւ եմ, բայց՝ ֆլիսօ: Դա, ըստ երևույթին, պայմանական ինչ-որ խոսք է, հատուկ նշված տողամիջում: Իմիջիայլոց, ֆլիսօ հունարեն նշանակում է փակ, ծածկված:

Ուշադրության է արժանի նաև այն փաստը, որ երբ արդեն Միքայել Նալբանդյանը գտնվում էր Հայաստանում և Թիֆլիսում ու արագացնում էր հնդկաստանյան առաքելության փաստաթղթերի պատրաստությունը, նոր նախիջևան է դալիս Հարություն Մկրտչի Աշեմյանը, բայց չի գնում Անդրեկովկաս, Միքայել Նալբանդյանի ետևից: Միքայել Նալբանդյանը նոր նախիջևան է տեղեկացնում, որ փաստաթղթերը պատրաստ են ու սպասում է Հ. Մ. Աշեմյանին: Քննչական հանձնաժողովը 1867 թ. մայիսի 22-ին արձանագրել է այս ամենը և ավելացրել. «... что городскому голове подано заявление неудовольствия против поездки одного Налбандова, только от десяти человек почетнейших граждан, но по этому заявлению, о приостановлении поездки его Налбандова, городским головою не было сделано распоряжения»¹².

Բայց, ինչպես ասացինք, Միքայել Նալբանդյանի միայնակ գնալու գործը վաղորդք ու լավ էր նախապատրաստված: Դա պարզ ու որոշ երևում է հենց 1860 թ. օգոստոսի 8-ին նոր նախիջևանի հասարակության ժողովի կայացրած որոշումից, որտեղ ասված է. «Ժեկ թէ դիպեսցի միում երեսփոխանացդ, վասն որնէ պատճառաց, բացակայ գտանիլ, յայնժամ յորում տեղւոյ և իցէ, յորոյ ի ձեռին ձէնջ և գացի թուղթս այս երեսփոխանութեան, այնպիսին ցուցանէ յինքեան զլրացեալ երեսփոխանութիւն ամբողջ ազգի մերոյ, բնակելոյ ի նոր նախիջևան քաղաքի, զորմէ թղթովս այսոսիկ խընդրեմք յամենայն ներքին և արտաքին իշխանութեանց, որոց առաջի արաբեալ լինիցի թուղթս, ճանաչել զունող սորին որպէս մեքս ճանաչեմք և ընդունեմք: Բացակայութիւն միոյ ի ձէնջ ոչ միայն լուծանէ զմիւսն ի զօրութենէ, այլ ի ներհակն, որ բացակայն է և զիւր իշխանութիւն թողու ընկերի իւրում, այնպէս զի մնացողն ի պայմանեալ տեղւոյ, յորոյ ձեռին իցէ թուղթս այս, պատկերացուցանէ, յանձին իւրում զբովանդակ ոյժ և զի իրաւունս մերոյ հասարակութեան...»¹³:

Սա՝ Միքայել Նալբանդյանի և նրա համախոհների, առաջին հերթին քաղաքագլուխ Կարապետ Հայրապետյանի հեռատեսության, քաղաքական խորաթափանցության ու կազմակերպական տաղանդի արդյունքն էր, որը տվեց իր օգտավետ պտուղները: Քաղաքագլուխը, որ «բարեկամության և սիրո» կայուն զգացումներով էր կապված Միքայել Նալբանդյանի հետ, քաջալերում էր նրան, նստաստում նրա «աղավաղյալ վիճակի» բարվոքմանը, մեծապես օգնել է նաև «Հյուսիսսփայլի» և գրողի այլ երկերի տպագրությանը: Մոսկվայից Կարապետ Հայրապետյանին 1858 թ. սեպտեմբերի 1-ին գրած նամակում Միքայել Նալբանդյանը կարծես թե երդվում է. «Ազգի և ճշմարտության համար իմ կյանսը իմ աչքումը ոչինչ է, և ամեն ռոպե պատրաստ եմ զոհել, և այն օրից, երբ գրիչ վեր եմ առել ձեռքս, մինչև գերեզման պիտի պատերազմեմ ստության և խավարի հետ և, որքան թույլ տան մեզ շրջապատած հանգամանքը, պիտի խորտակեմ դավաճան վիշապի գլուխը» (ԵՊԺ, հ. 5, Եր., 1984, էջ 72—73): Սա գերազույն փոխվստահության արդյունք էր, որից էլ ելնելով հեղափոխական դեմոկրատը խնդրելով հանձնարարում է քաղաքագլխին՝ «առանձին ուշադրությամբ կարդաք 7 և 8 համարների «Հիշատակարանը» և չհասկացողներուն հասկացնեք բանի զորությունը, որ ճշմարտությունը ձայն ստանա այդ կորած և մոլորած քաղաքի մեջ»: Այդ նույն նամակում նա սլարգորոշ դնում է Կարապետ Հայրապետ-

¹² Միքայել Նալբանդյան. Վավերագրերի ժողովածու, էջ 176:

¹³ Նույն տեղում, էջ 128—129:

տյանի և իր ու համախոհների «ընկերության (партия) դրոշակի կանգունության հարցը՝ համատեղ ջանքերով»։ Իսկ երկու ամիս անց գրած մեկ այլ նամակում շեշտում է. «Դուք պիտի պահպանեք մեր օրագիրը, նա և Ձերն է, որովհետև ազգինն է»։

Ահա այսպիսի դեմքերով էր նաև շրջապատված Միքայել Նալբանդյանը, որոնցից մեկն էլ, մեր կարծիքով, Հարություն Աջեմյանն է։

Ուշագրավ մի հանգամանք ևս։ Բանտարկության մեջ նույնպես նա մնաց ճկուն տակտիկ։ Իր սենատական ցուցմունքներով Միքայել Նալբանդյանը բնավ չի անդրադառնում Հարություն Աջեմյանին նույնիսկ այն դեպքում, երբ նրան ուղղակիորեն հարցապնդում են, թե Պետերբուրգում, Մոսկվայում և Ռուսաստանի այլ վայրերում ի՞նչ ծանոթներ ունի, ե՞րբ և ի՞նչ առիթներով է ծանոթացել նրանց հետ։ Պարզ է, որ ամեն կերպ նա աշխատել է Հ. Աջեմյանին հեռու պահել գործի մեջ ներքաշվելուց, իսկ Կ. Հայրապետյանն էլ խոհեմաբար իր վրա էր առել Հ. Աջեմյանի կողմից իբր Միքայել Նալբանդյանին շապասելու հանգամանքը։ Բայց ահա, երբ Միքայել Նալբանդյանը ձերբակալված էր Պետրոպոլիսյան ամրոցում, նրան երկու անգամ այցելում է նաև Հարություն Աջեմյանը։ Սա առավել քան ուշագրավ հանգամանք է, վկայությունը մեծ հեղափոխականի անձնավորության և գործի նկատմամբ Հ. Աջեմյանի ունեցած բազմակողմանի հարգանքի։

Մի նոր լույս սփռելով նաև նրա կողմից տրված համաձայնության վրա, որպեսզի Միք. Նալբանդյանը մենակ գնար Հնդկաստան։

Ի դեպ, Միխ. Լեմկեն անդրադառնալով Միքայել Նալբանդյանի սենատական ցուցմունքներին, գրել է. «Комиссия очень была недовольна ловкостью сочинявшего всякие легенды Налбандяна и отказала его брату, Лазарю, в свиданиях с заключенным. Только настойчивые представления, что свидание необходимо для выяснения некоторых вопросов по наследственному процессу нахичеванцев, склонили комиссию дать братьям чисто деловое свидание»¹⁴. Մրանից նույնպես հետևում է, որ Հ. Աջեմյանը Պետերբուրգում լայն ու մեծ կապեր է ունեցել, որի շնորհիվ կարողացել է այցելել բանտարկված Միքայել Նալբանդյանին, իր հետ տանելով նաև հեղափոխականի եղբորը։

1861 թ. հունիսի 26/հուլիսի 8-ին Կալկաթայից Անանիա Սուլթանյանին գրած նամակում Մ. Նալբանդյանը հորդորում է նրան մի ազատամիտ բան թարգմանելու «Հյուսիսափայլի» համար և ասում. «...այդ օրագիրը մեր թախըմի օռգանն է...»¹⁵։ Իսկ այդ «թախըմի օռգանի» մշտական բարեկամներից ու առաջին ընթերցողներից է եղել նաև Հարություն Աջեմյանը, որին վստահել է նաև նոր Նախիջևանի քաղաքագլուխ Կարապետ Հայրապետյանը։

Այստեղ ցանկանում ենք մեկ անգամ էլ ուշադրություն հրավիրել, մեր կարծիքով, կարևոր խնդիրների վրա։ Առաջինը Մասեհ Բաբաջանյանի ու մյուս հնդկահայերի հայրենանվեր գործի գնահատությունն է։ Միքայել Նալբանդյանն առաջարկում է հավերժացնել Մ. Բաբաջանյանի հիշատակը.

¹⁴ М. Лемке. Очерки освободительного движения шестидесятих годов. СПб. 1908, с. 115.

¹⁵ Մ. Նալբանդյան, ելժ. հ. 5, էջ 144.

կանգնեցնելով նրա արձանը: Անցնում է ժամանակ և երբ մեծ հեղափոխական-դեմոկրատը գտնվում էր Պետրոպոլիսի ամրոցի մենախրջում, նոր նախիջևանի հասարակայնության ժողովը, հարյուր ինն հոգու ստորագրությամբ, որոշում է հասարակական ծախսերով մարմարյա հուշարձան կանգնեցնել Մասեհ Բաբաշանյանին՝ հայերեն և անգլերեն տապանագրերով: Որոշման մեջ շեշտվում է, որ նա եղել է հայոց լուսավորության, աղքատների, որբերի և թշվառների պաշտպանը: Այս փաստը ինքնին արդեն բավական է, որպեսզի ցույց տրվի Կ. Նալբապետյանի և նրա համախոհների սերն ու հարգանքը ոչ միայն Մ. Բաբաշանյանի նկատմամբ, այլև Միջայել նալբանդյանի, որը տանջվում էր ցարիզմի ճիրաններում:

Զմոռանանք նշել, որ Միջայել նալբանդյանը Հնդկաստանում փորձեր է կատարել նպաստելու Պետերբուրգի և Մոսկվայի առևտրական տների հետ հնդկահայ վաճառանոցների ու վաճառականների կապերի աշխուժացմանը: Բացի այդ, նա կոչ է արել հնդկահայերին դառնալու մասնակից հայկական բարեգործական ընկերության, որի կենտրոնը Եգիպտոսում էր: Սա էլ իր հերթին հաստատորեն վկայում է, որ Միջայել նալբանդյանը հետամտում էր հայկական գաղթօջախները մեկ շղթայի մեջ առնելու նպատակ, դրանով իսկ շարունակելով իր առաջադիմական նախորդների հայրենասիրական գործը: